

Bero- Münster

Im Jahr 720 hat auf am Schloss Lenzburg der mächtig Graf Bero gelebt.

Uf sin Sohn mit Name Adelbero isch er sehr stolz gsi.

Denn, amol ama wunderschöna Summertag,... d Vögel hent pfiffa vu da Bäum wie immer..., isch dr Vater mit sim Sohn und paar Knechta ins Seetal gritta uf Bäräjagd.

Dodabi sinds au ina tüfa Wald zwischet am See vu Hallwyl und Sempach ko. As fürchterlichs Dickkicht..Brombeeri, Himmbeeri, Waldrösli so weit *das Auge reicht*, as einzigs duranand.... „Rumt do eigentlich niamert uf?“ het dr Graf Bero no gruafa und bald drufabe , hents anand verlore ka.....

„Wau, hei Papa, Knechta, kömme alli go luaga !!!!“ het dr Adelbero plötzlich gruafta./ Tatsächlich het er unter ama Steipilz an riesigi Bärespur entdeckt! „ Papa , Papa, Papa?????? wo bisch.....jo nu, denn gohn i halt allei uf dJagd !“

Und üsa muatig Albero het sich in da Sattel gschwunge, het am Ross d Spore geh,
(wiehern,) und isch... so guats ebe gange isch in dem Gschtrüb, losgaloppiert,.....
dr Spur hinanoh. (Musik) "Buääääääää,!!!!!!!"- „ Gohts eigentlich no mi so go
verschrecka.!!!"

Do isch er gschtanda dr Bär, ziemlich gross, het Zähn gfletschet, sini bruna Knopfauga grollt,... zwei drei mol Tatza durch d Luft gschwunga..umd denn isch as los ganga. Am Adelbero ischs zwar no glunga in letschter Sekunda in sis Jagdhorn zblosa,...tuuuuuuuuuuuuu doch vergeblich, ghört het ihn wit und breit niamert.

„Buääääääää, jetzt isch aber fertig!!!“ het dr Bäär nomal brumlet. und dr Adelbero vum Ross abagrissa.... Wia an Chäfer uf am Rugga isch de Adelbero hilflos

zwüschete da Brombeeri und da Himmbeeri uf am Waldboda gläga... (Vernüüt aber
het dr Graf Bero nit johrelang sinem Sohn dr Kampf mit am Schwert bibrocht .)

Mit ama risige Schrei isch jetzt üsa Held, liacht wia an Federe ufgschprunga,... het no in dr Luft sis Schwert zückt und am Bär eis über d Nas a gaua. Das het am Bär

natürlich überhaupt nit passt, denn sin Vater het ihm dr Kampf mit dr TazeEn
Tazahieb obe dura,... en Tazahieb una dura....oba dura ..una, oba,oba,

una.....Schwertstichbuäää...

Bluat,..Taztaschlag...auuuu..Bluat!!!! Schwertstich bää.....

Bluat,Taztaschlag...auuuu..Bluat!!

Dia hend kämpft und kämpft.

Uf jeda Fall het ma dr Bär und dr Adelbero am nögschta Morga gfunda...tod.

Ganz fescht trurig isch dr Graf Bero dr Vater Adelbero gsi, woner erfahre het ,dass sin einzigi Sohn dr Bärekampf nit überlebt het.

Noch dr Beerdigung het er am Platz im Wald, wo dr Kampf passiert isch alli Bäum lo fälla und an grossi, wunderschöni Kirche lo baue.

Dia Kirche heisst Beromünschter und kama hüt no go aluaqa , in Beromünschter.